

ხელშეკრულების პროექტი

(კონკრეტული პირობები დაზუსტდება სატენდერო წინადადების შინაარსის გათვალისწინებით)

ხელშეკრულება სახელმწიფო შესყიდვის შესახებ N _____

ელექტრონული ტენდერი SPA00000000

ქ. თბილისი

_____ 2018 წ.

შემსყიდველი - შპს „სახელმწიფო კვებითი უზრუნველყოფა“, წარმოდგენილი მისი ფინანსური აღრიცხვისა და სახელმწიფო შესყიდვების დეპარტამენტის უფროსის **თეა გოგუას** სახით

მისამართი, ტელეფონი: მის: იურიდიული: ქ. თბილისი, ჭავჭავაძის ქ. #12, ფაქტიური: ქ. თბილისი, პეკინის 41;

საბანკო რეკვიზიტები: სს „თი ბი სი ბანკი“, ბანკის კოდი - TBCBGE22, ა/ა GE58TB 7353 4360 8010 0004

საიდენტიფიკაციო კოდი: 404482537

მიმწოდებელი: შპს „-----“;

მისამართი, ტელეფონი: -----;

დირექტორი: -----;

საბანკო რეკვიზიტები: „-----“ ბანკის კოდი: -----; ა/ა: -----

საიდენტიფიკაციო კოდი: -----

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, შპს „სახელმწიფო კვებითი უზრუნველყოფა“-ს მიერ გამოცხადებული **SPA**----- ელექტრონული ტენდერის საფუძველზე, ვდებთ წინამდებარე ხელშეკრულებას:

1. ხელშეკრულების საგანი

1.1. წინამდებარე ხელშეკრულების შესყიდვის საგანს წარმოადგენს CPV----- წინამდებარე ხელშეკრულების დანართი N1-ით განსაზღვრული დასახელების, მახასიათებლების და პირობების შესაბამისად.

1.2. „მიმწოდებელი“ ვალდებულია „შემსყიდველს“ მიაწოდოს საქონელი ამ ხელშეკრულების დანართი N1-ში აღნიშნულ მისამართ(ებ)ზე განთავსებულ ობიექტ(ებ)ზე, მიღებული შეკვეთებიდან გამომდინარე. ობიექტების ცვლილებების შემთხვევაში (გაზრდა ან შემცირება) „მიმწოდებელს“ ეცნობება სულ მცირე 5 (ხუთი) სამუშაო დღით ადრე.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

2.2. ერთეულის ფასები მოცემულია წინამდებარე ხელშეკრულების დანართ N1-ში.

3. შესყიდვის ობიექტის სტანდარტი

3.1. „მიმწოდებელი“-ს მიერ „შემსყიდველისათვის“ გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებსა და **SPA00000000** ელექტრონული ტენდერით განსაზღვრულ პირობებს

3.2. „მიმწოდებელმა“ „შემსყიდველს“ უნდა გადასცეს საქონლის ხარისხის დამადასტურებელი დოკუმენტაცია მოთხოვნიდან არაუგვიანეს 5 (ხუთი) კალენდარულ დღეში (ასეთის მოთხოვნის შემთხვევაში).

4. მხარეთა უფლებამოსილებები და ვალდებულებები

4.1. წინამდებარე ხელშეკრულებით, „მიმწოდებელი“ ვალდებულია საქონელი „შემსყიდველს“ მიაწოდოს ხელშეკრულებით განსაზღვრული წესით, „შემსყიდველისათვის“ საჭირო რაოდენობით, ხოლო „შემსყიდველი“

ვალდებულია მიიღოს წინასწარ შეკვეთილი საქონელი და მოახდინოს „მიწოდებელთან“ ანგარიშსწორება ხელშეკრულებით გათვალისწინებული პირობებით.

4.2. „მიწოდებელი“ ვალდებულია მიაწოდოს საქართველოში არსებული მოთხოვნების შესაბამისად მარკირებული საქონელი.

4.3. „მიწოდებელი“ ვალდებულია დადგენილ ვადაში წარმოადგინოს მწარმოებლის მიერ გაცემული საბუთი (ხარისხის სერტიფიკატის, ლიცენზიის ასლები და სხვა შესაბამისობის დოკუმენტი), აუცილებლობის შემთხვევაში კი დაურთოს ისინი საქონელს.

4.4. „მიწოდებელი“ ვალდებულია „შემსყიდველის“ მოთხოვნის შემთხვევაში ხელშეკრულების გაფორმებიდან 5 (ხუთი) სამუშაო დღეში წარმოადგინოს დადგენილი წესით გაცემული ბიზნეს ოპერატორად რეგისტრაციის დამადასტურებელი დოკუმენტი. აღნიშნულის წარმოუდგენლობა, წინამდებარე ხელშეკრულების 11.7 პუნქტის თანახმად გამოიწვევს ხელშეკრულების შეწყვეტას.

4.5. „შემსყიდველი“ ვალდებულია მიიღოს წინასწარ შეკვეთილი საქონელი, მიღების მომენტში შეამოწმოს საქონლის ხარისხი, შეფუთვა და გარეგანი იერსახე.

4.6. „შემსყიდველი“ ვალდებულია „მიწოდებელს“ აუნაზღაუროს მიწოდებული საქონლის ღირებულება ამ ხელშეკრულების მე-8 მუხლის შესაბამისად.

4.7. „შემსყიდველი“ ვალდებულია ამ ხელშეკრულებით დადგენილი წესით „მიწოდებელს“ აცნობოს ობიექტების რაოდენობის გაზრდის ან შემცირების შესახებ.

4.8. იმ შემთხვევაში თუ „მიწოდებელი“ აღნიშნული ხელშეკრულებით მოსაწოდებელი პროდუქციის წარმოებას ახორციელებს საკუთარ საწარმოში ან/და ქვეკონტრაქტორის საწარმოში საქართველოს ტერიტორიაზე, ხელშეკრულების გაფორმების შემდეგ, შემსყიდველის მოთხოვნის შემთხვევაში, მოთხოვნიდან არაუმეტეს 15 (თხუთმეტი) სამუშაო დღეში უნდა წარმოადგინოს სსიპ სურსათის ეროვნული სააგენტოს მიერ გაცემული შესაბამისობის შეფასების აქტი (შემდგომში დასკვნა) საკუთარი ან / და ქვეკონტრაქტორი საწარმოს შემოწმების შესახებ.

4.9. იმ შემთხვევაში თუ წარმოდგენილ დასკვნაში დაფიქსირდება, რომ საწარმოს აქვს კრიტიკული ტიპის შეუსაბამობა შემსყიდველს უფლებამოსილება ენიჭება გაატაროს ხელშეკრულების 11.6 მუხლით გათვალისწინებული ღონისძიებები.

4.10. მხარეები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

5. საქონლის მახასიათებლები (ასორტიმენტი, რაოდენობა და ხარისხი)

5.1. „მიწოდებელი“ „შემსყიდველისათვის“ საქონლის მიწოდებას უზრუნველყოფს შემსყიდველისათვის საჭირო რაოდენობით. საქონლის მწარმოებლის, ბრენდის ან/და მარკის ცვლილების შემთხვევაში „მიწოდებელი“ ვალდებულია წინასწარ საქონლის მიწოდებამდე „შემსყიდველს“ აცნობოს აღნიშნული ცვლილების თაობაზე წერილობით.

5.2. „მიწოდებელი“ ვალდებულია მიწოდების დოკუმენტებში (ზედნაღები) მიუთითოს მიწოდებული საქონლის დასახელება და ფასები.

5.3. „მიწოდებელის“ მიერ საქონლის ფაქტობრივი მიწოდებისას ვარგისიანობის დარჩენილი ვადა დარეგულირდეს დანართი N1-ის მიხედვით.

5.4. ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისთვის“.

5.5. მიწოდებული საქონლის დასახელება და რაოდენობა უნდა შეესაბამებოდეს იმ ასორტიმენტს, რომელიც ნაჩვენებია მიწოდების დოკუმენტებში.

5.6. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებსა და „მიწოდებელის“ მიერ შემოთავაზებულ პირობებს.

5.7. „მიწოდებელი“ იძლევა გარანტიას, რომ საქონლის „შემსყიდველისთვის“ გადაცემის მომენტში, არის საქონლის კანონიერი მფლობელი და ასევე, რომ საქონელი არ არის დაგირავებული, დაყადაღებული, მესამე პირებს არ შეიძლება წარმოეშვათ რაიმე სახის პრეტენზია აღნიშნულ საქონელთან მიმართებაში.

5.8. „მიმწოდებელი“ იძლევა გარანტიას, რომ საქონელი შეესაბამება უსაფრთხოების, სანიტარული ნორმების, შეფუთვის, მარკირების და ეტიკეტირების მოთხოვნებს, დადგენილს საქართველოს კანონმდებლობით და ასევე, რომ საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი.

5.9. დაუშვებელია მოსაწოდებელი პროდუქციის შეფუთვა მეორად ან/და განსხვავებული ბრენდის მქონე ტარაში.

6. შესყიდვის ობიექტის მიწოდება და შესაბამის დოკუმენტები

- 6.1. „მიმწოდებელი“ ვალდებულია ყოველი შეკვეთა შეასრულოს შეკვეთის მიღებიდან 24 საათის განმავლობაში.
- 6.2. იმ შემთხვევაში თუ „შემსყიდველი“ „მიმწოდებელს“ განუსაზღვრავს 6.1 მუხლისგან განსხვავებულ (24 საათზე მეტი) შეკვეთის შესრულების ვადას, „მიმწოდებელი“ ვალდებულია შეასრულოს შეკვეთა აღნიშნულ ვადაში.
- 6.3. გადაუდებელი აუცილებლობიდან გამომდინარე მხარეები აცხადებენ თანხმობას, რომ 6.1. პუნქტში მოცემული მიწოდების ვადები შეიძლება შეიცვალოს (მიწოდების ვადის შემცირება) ან/და შესაძლებელია შემსყიდველის მხრიდან დამატებით განხორციელდეს მოთხოვნა, ხოლო მიმწოდებლის მხრიდან დამატებით განხორციელდეს მიწოდება, შემსყიდველთან შეთანხმებულ ვადაში.
- 6.4. „მიმწოდებელი“ აცხადებს თანხმობას, რომ „შემსყიდველმა“, შეიძლება არ შეიძინოს „მიმწოდებელის“ მიერ შეთავაზებული საქონლის სრული რაოდენობა/დასახელება რაც მითითებულია ხელშეკრულების დანართ N1-ში.
- 6.5. საქონლის მიწოდება უნდა განხორციელდეს დღის განმავლობაში არაუგვიანეს 18.00 სთ-ისა. 18.00 სთ-ის შემდეგ „შემსყიდველი“ უფლებამოსილია უარი თქვას საქონლის მიღებაზე და დააკისროს „მიმწოდებელს“ პირგასამტეხლო საქონლის მიწოდების ვადის დარღვევის გამო.
- 6.6. „შემსყიდველი“ უფლებამოსილია „მიმწოდებელის“ მიერ შეკვეთის შესრულებამდე მოახდინოს შეკვეთის კორექტირება (მისაწოდებელი საქონლის ოდენობის, ასორტიმენტის დამატება ან გამოკლება, ასევე შეკვეთის გაუქმება). შეკვეთის კორექტირების შემთხვევაშიც მიწოდება უნდა განხორციელდეს ხელშეკრულების 6.1. პუნქტის შესაბამისად.
- 6.7. ყოველი მიწოდებისას სასაქონლო ზედნადები (შემდგომში ზედნადები) ან/და ანგარიშ-ფაქტურა უნდა გაფორმდეს საქართველოს კანონმდებლობის მოთხოვნათა შესაბამისად.
- 6.8. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, „შემსყიდველი“ ატყობინებს აღნიშნულის შესახებ „მიმწოდებელს“, რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 6.9. საქონლის ფაქტობრივი მიწოდება უნდა განხორციელდეს სასაქონლო ზედნადების გაფორმების დღეს.
- 6.10. საქონლის ტრანსპორტირებისათვის განკუთვნილი სატრანსპორტო საშუალებები უნდა იმყოფებოდნენ ტექნიკურად გამართულ, სუფთა მდგომარეობაში, უნდა პასუხობდნენ ჰიგიენურ ნორმებს და იყვნენ ვარგისნი განსაზღვრული კატეგორიის საქონლის ტრანსპორტირებისთვის.
- 6.11. „შემსყიდველის“ წარმომადგენელი ვალდებულია უზრუნველყოს საქონლის გადმოტვირთვა ამისათვის სპეციალურად განსაზღვრულ ადგილას და დროს.
- 6.12. საქონლის შეკვეთა ხორციელდება ელ-ფოსტის ან კომუნიკაციის სხვა საშუალებით, რომელიც იძლევა „მიმწოდებელის“ მიერ შეკვეთის მიღების დადასტურების საშუალებას.

7. საქონლის მიღება-ჩაბარების წესი

- 7.1. „შემსყიდველის“ წარმომადგენელი „მიმწოდებელის“ წარმომადგენლის თანდასწრებით უზრუნველყოფს საქონლის დათვალიერებას და გადმოტვირთვას „შემსყიდველი“-ს საწყობში, ან სხვა მითითებულ ადგილას. მიწოდებული საქონლისათვის შენახვის პირობების შექმნა (განთავსება, ტემპერატურა, მზის სინათლისაგან დაცვა) წარმოადგენს „შემსყიდველის“ ვალდებულებებს და უნდა შეესაბამებოდეს საქონლის შენახვისათვის დადგენილ პირობებს.
- 7.2. საქონლის მიღებისას, „შემსყიდველი“ შეამოწმებს საქონლის შესაბამისობას წარდგენილ დოკუმენტებთან და ხელშეკრულებასთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „შემსყიდველის“ წარმომადგენლის ხელმოწერით ზედნადებზე ან/და ა/ფაქტურაზე ან/და მიღება-ჩაბარების აქტზე. „შემსყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, ასორტიმენტი არ შეესაბამება მხარეთა

შორის შეთანხმებულ პირობებს, შეფუთვა, ეტიკეტირება, ხარისხი და ვარგისიანობის ვადა არ შეესაბამება დადგენილ სტანდარტებსა და „მიმწოდებელის“ მიერ შემოთავაზებულ პირობებს.

7.3. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:

7.3.1. იგი უხარისხოა (მათ შორის არ შეესაბამება ხელშეკრულებით გათვალისწინებულ ხარისხსა და არ აკმაყოფილებს ხელშეკრულების დანართი N1-ით გათვალისწინებული საქონლის ტექნიკური სპეციფიკაციის მოთხოვნებს); ან/და

7.3.2. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და

7.3.3. ხარვეზების გამოსწორება შეუძლებელია; ან/და

7.3.4. მიწოდებულია მიწოდების ვადის გასვლის შემდგომ; ან/და

7.3.5. კანონმდებლობით გათვალისწინებულ სხვა შემთხვევებში.

7.4. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

7.5. შემსყიდველის მიერ საქონლის (მისი ნაწილის) მიღების და/ან შემოწმების შედეგად წინამდებარე ხელშეკრულების 11.1.2. პუნქტის გათვალისწინებით გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი შეტყობინების (ელექტრონული ფოსტის, სატელეფონო შეტყობინების ან წერილობითი შეტყობინების საფუძველზე) მიღებიდან 1 (ერთი) კალენდარულ დღეში, წინააღმდეგ შემთხვევაში მიმწოდებლის მიმართ გამოყენებული იქნება წინამდებარე ხელშეკრულების 11 მუხლით გათვალისწინებული პირგასამტეხლო.

7.6. „შემსყიდველის“ უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „შემსყიდველის“ უფლებამოსილი თანამშრომელი (მენეჯერი, საწყობის უფროსი, ხარისხის მართვისა და მონიტორინგის დეპარტამენტის თანამშრომელი, ფინანსური აღრიცხვისა და სახელმწიფო შესყიდვების დეპარტამენტის თანამშრომელი და სხვა).

7.7. „მიმწოდებლის“ უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „მიმწოდებლის“ უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

8. ანგარიშსწორება

8.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით მიმწოდებლის მიერ ფაქტიურად მიწოდებული საქონლის შესაბამისად.

8.2. ანგარიშსწორება მოხდება შემდეგი წესით: ყოველი თვის 15 (თხუთმეტი) და 30 (ოცდაათი) რიცხვებში (თებერვალის თვეში - 15 და 28) „შემსყიდველი“ „მიმწოდებელს“ გადაუხდის წინა (ბუღალტრული ურთიერთშედარებიდან შემდგომ ურთიერთშედარებამდე) პერიოდში მიწოდებული საქონლის ღირებულებას სრულად, აღნიშნულ თარიღებამდე 5 (ხუთი) დღით ადრე მხარეთა შორის ურთიერთშედარების აქტის გაფორმების შემთხვევაში და მოცემულ აქტში მითითებული დავალიანების შესაბამისად.

8.3. თუკი 8.2. პუნქტში მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.

8.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „შემსყიდველის“ და „მიმწოდებლის“ ან მათი წარმომადგენლების მიერ ხელმოწერილი სასაქონლო ზედნადები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.

8.5. „შემსყიდველისა“ და „მიმწოდებელს“ შორის ანგარიშსწორებამდე 5 (ხუთი) დღით ადრე უნდა მოხდეს ბუღალტრული ურთიერთშედარების აქტის შედგენა.

8.6. ხელშეკრულების შედეგად მოწოდებული საქონლის ზედნადებში სავალდებულოა მითითებულ იქნას საქონლის დასახელება იმგვარად, რომ ზუსტად ემთხვეოდეს ხელშეკრულებაში არსებულ საქონლის დასახელებას, ასევე ზედნადებში უნდა იქნას მითითებული ხელშეკრულების ნომერი, ერთეულის ფასი და სხვა საჭირო ინფორმაცია. ზედნადები, დაბეჭდილი სახით, 2 (ორი) ეგზემპლარად, თან უნდა ახლდეს პროდუქციას საქონლის ყოველი მიწოდებისას. ზედნადების

კორექტირება, საჭიროების შემთხვევაში უნდა მოხდეს ფაქტიურად მიწოდების თარიღიდან არაუგვიანეს 2 (ორი) სამუშაო დღეში. ამ წესის დარღვევის შემთხვევაში შესაძლებელია მოხდეს შემსყიდველის მხრიდან ანგარიშსწორების ვადების (ყოველი თვის 15 და 30 რიცხვები) გადაწევა და თანხა გადაირიცხოს მომდევნო გადარიცხვის თარიღში.

9. ხელშეკრულების შესრულების კონტროლი

9.1. ხელშეკრულების შესრულების კონტროლს განახორციელებს:

9.1.1. შპს „სახელმწიფო კვებითი უზრუნველყოფის“ ხარისხის მართვისა და მონიტორინგის დეპარტამენტის უფროსი/თანამშრომელი ან/და დირექტორის მიერ გამოყოფილი შესაბამისი უფლებამოსილი პირი – „მიმწოდებელის“ მიერ მიწოდებული საქონლის სახეობის, ასორტიმენტის, შეფუთვის, ეტიკეტირების, ხარისხის კონტროლი, საქონლის ვარგისიანობის ვადა, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან.

9.1.2. შპს „სახელმწიფო კვებითი უზრუნველყოფის“ - უფლებამოსილი თანამშრომელი - შეკვეთის მიცემისა და შესრულების ვადების, ასევე ხელშეკრულების სხვა პირობების კონტროლი.

9.1.3. შპს „სახელმწიფო კვებითი უზრუნველყოფის“ - ფინანსური აღრიცხვისა და სახელმწიფო შესყიდვების დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან.

9.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

9.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „შემსყიდველის“ არჩევანის მიხედვით.

10. ხელშეკრულების შესრულების გარანტია

10.1. ხელშეკრულების გაფორმებისას „მიმწოდებელმა“ წარმოადგინა ხელშეკრულების უზრუნველყოფის უპირობო გამოუთხოვადი საბანკო გარანტია 0000000 ლარის ოდენობით.

10.2. „მიმწოდებელის“ მიერ წარმოდგენილი ხელშეკრულების შესრულების უზრუნველყოფის საბანკო გარანტიის მოქმედების ვადაა არანაკლებ ერთი თვით უნდა აღემატებოდეს ხელშეკრულების მოქმედების ვადას.

10.3. „მიმწოდებელის“ მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული საქონლის მიწოდების ვადების დარღვევა, ხელშეკრულების დანართი N1-ის საქონლის ტექნიკურ სპეციფიკაციასთან შეუსაბამო საქონლის მოწოდება, ასევე საქონლის ტრანსპორტირების პირობების დარღვევა, საქონლის ეტიკეტირების წესების დარღვევა, განსხვავებული ბრენდირების ტარის გამოყენება, ხელშეკრულების 11.4.1 მუხლის დარღვევა და „მიმწოდებელის“ მიერ ხელშეკრულებით ნაკისრი ვალდებულების სხვაგვარად დარღვევა) შემთხვევაში, „შემსყიდველი“ უფლებამოსილია ხელშეკრულების შესრულების უზრუნველყოფის საბანკო გარანტიის მოქმედების პერიოდში მიმართოს გარანტიის გამცემ ორგანოს (გარანტს) და მოითხოვოს ხელშეკრულების შესრულების საბანკო გარანტიით გათვალისწინებული თანხა.

10.4. იმ შემთხვევაში თუ „მიმწოდებელი“ რაიმე ფორმით უარს აცხადებს ამ ხელშეკრულებით გათვალისწინებული პირობების დარღვევსათვის დაკისრებული პირგასამტეხლოს გადახდაზე და „შემსყიდველს“ არ გააჩნია შესაძლებლობა მოახდინოს პირგასამტეხლოს გამოქვითვა 11.7 მუხლის მიხედვით, „შემსყიდველი“, როგორც ბენეფიციარი, უფლებამოსილია მიმართოს გარანტორს და მოითხოვოს პირგასამტეხლოთი დაკისრებული თანხის ანაზრაურობა.

10.5. „მიმწოდებელის“ მიერ ხელშეკრულებით ნაკისრი ვალდებულებების სრულად შესრულების შემდეგ „შემსყიდველი“ მიღება-ჩაბარების (შესრულების) აქტის გაფორმებიდან 1 (ერთი) თვის ვადაში „მიმწოდებელის“ წერილობითი მოთხოვნის საფუძველზე უზრუნველყოფს ხელშეკრულების შესრულების უზრუნველყოფის საბანკო გარანტიის დაბრუნებას.

10.6. „მიმწოდებელისაგან“ დამოუკიდებელი მიზეზების გამო ხელშეკრულების შეწყვეტის შემთხვევაში „შემსყიდველი“ „მიმწოდებელის“ მოთხოვნისთანავე უზრუნველყოფს ხელშეკრულების შესრულების უზრუნველყოფის საბანკო გარანტიის დაბრუნებას.

11. მხარეთა პასუხისმგებლობა

11.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

11.1.1. საქონლის მიწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე, ხელშეკრულების დანართი N1-ით გათვალისწინებული საქონლის ტექნიკური სპეციფიკაციის დარღვევით) მიწოდებული შესყიდვის ობიექტის ღირებულების 0.2% ყოველ ვადაგადაცილებულ დღეზე, იმ შემთხვევაში თუ აღნიშნული პირგასამტეხლო ოდენობა ნაკლებია 200 ლარზე, შემსყიდველი დააკისრებს მიმწოდებელს 200 ლარს ყოველ ვადაგადაცილებულ დღეზე.

11.1.2. თუ „შემსყიდველი“ საქონლის მიღების შემდეგ, მიღებიდან არაუგვიანეს 5 (ხუთი) სამუშაო დღისა აღმოაჩენს, რომ მიღებული საქონლის სახეობა, ასორტიმენტი, გრამაჟი, შეფუთვა (მ.შ განსხვავებული ბრენდირების ტარის გამოყენება), ეტიკეტირება, ორგანოლეპტიკური თვისებები, ტრანსპორტირების პირობები ან ხარისხი არ შეესაბამება არსებულ სტანდარტებსა და მხარეთა შორის შეთანხმებულ პირობებს, წინამდებარე ხელშეკრულების 7.5 პუნქტის გათვალისწინებით „შემსყიდველი“ უფლებამოსილია „შემსყიდველის“ ხარისხის მართვისა და მონიტორინგის დეპარტამენტის დასკვნის, ასევე უშუალოდ საქონლის მიმღები პირის წერილობითი მოხსენების საფუძველზე, დოკუმენტის შედგენიდან არაუგვიანეს 7 (შვიდი) სამუშაო დღისა „მიმწოდებელს“ წარუდგინოს რეკლამაცია (პრეტენზია) წერილობითი ფორმით ან/და ელ-ფოსტის მეშვეობით და დააკისროს პირგასამტეხლო 500 (ხუთასი) ლარის ოდენობით. ასეთი ფაქტის ყოველი განმეორების შემთხვევაში „შემსყიდველი“ უფლებამოსილია დაარიცხოს „მიმწოდებელს“ პირგასამტეხლო 1000 (ათასი) ლარის ოდენობით.

11.2. შემსყიდველი ასევე უფლებამოსილია მიმწოდებელს მოსთხოვოს მოწოდებული საქონლის ნიმუშის აღება და აკრედიტირებულ ლაბორატორიაში შემოწმება, რასაც დაესწრებიან ხელშეკრულების მხარეები. ლაბორატორიულ შემოწმებასთან დაკავშირებულ ხარჯებს აანაზღაურებს „მიმწოდებელი“.

11.2.1. საქონლის ლაბორატორიული შემოწმების პირობები - საანალიზო ნიმუშის დასახელება, აღების ადგილი, თარიღი, შესამოწმებელი პარამეტრები, ლაბორატორიული დასკვნის წარმოდგენის ვადა და სხვა პირობები განიზაზღვრება წერილობით „შემსყიდველის“ მიერ. წერილში მითითებული პირობების დაცვა სავალდებულოა „მიმწოდებლისათვის“.

11.2.2. ამ ხელშეკრულების 11.2.1 პუნქტის დარღვევის შემთხვევაში (მ.შ ვადების დარღვევა ან/და უარის თქმა ლაბორატორიული კვლევის ჩატარებაზე) „შემსყიდველი“ უფლებამოსილია ყოველ ჯერზე მიმწოდებელს დააკისროს პირგასამტეხლო 300 (სამასი) ლარის ოდენობით. ასეთი ფაქტის განმეორების შემთხვევაში პირგასამტეხლოს ოდენობა ორმაგდება.

11.2.3. უარყოფითი ლაბორატორიული დასკვნის წარმოდგენის შემთხვევაში შემსყიდველი უფლებამოსილია პრეტენდენტს დააკისროს პირგასამტეხლო 400 (ოთხასი) ლარის ოდენობით თითოეულ კვლევის ობიექტზე (საქონელზე).

11.2.3.1. უარყოფითად ჩაითვლება ლაბორატორიული დასკვნა, სადაც კვლევის ობიექტის (პროდუქტის) ნებისმიერი პარამეტრი / მონაცემი არ შეესაბამება საქართველოში მოქმედ კანონმდებლობას, სტანდარტებს, სურსათის ეროვნული ნორმებს და წინამდებარე ხელშეკრულებას.

11.3. „მიმწოდებელი“ ვალდებულია რეკლამაციაზე დაუყოვნებლივ მოახდინოს რეაგირება, გამოასწოროს მასში მითითებულ საქონელთან დაკავშირებული ხარვეზები (მოთხოვნები), შემსყიდველის მხრიდან რაიმე დამატებითი დანახარჯის გაღების გარეშე და გადაიხადოს დაკისრებული პირგასამტეხლო, ხოლო თუ რეკლამაციას მიიჩნევს უსაფუძვლოდ და დაუსაბუთებლად, შესაბამისი წერილობითი ფორმით აცნობოს „შემსყიდველს“ არაუგვიანეს რეკლამაციის მიღებიდან 2 (ორი) სამუშაო დღის ვადაში. შეუთანხმებლობის შემთხვევაში „მიმწოდებელი“ უფლებამოსილია საკუთარი ხარჯით მიმართოს შესაბამის უფლებამოსილ პირს/ორგანოს (სპეციალისტი, ექსპერტი), წუნდების მიზეზების გამოსარკვევად. დადგენილი ვადის გასვლის შემდეგ პრეტენზიები აღარ მიიღება.

11.4. იმ შემთხვევაში თუ ხელშეკრულების 4.8 მუხლით გათვალისწინებულ დასკვნას არ წამოადგენს დადგენილ ვადაში, შემსყიდველი უფლებამოსილია დააკისროს პირგასამტეხლო მიმწოდებელს 500 (ხუთასი) ლარის ოდენობით. ასეთი ფაქტის განმეორების შემთხვევაში პირგასამტეხლოს ოდენობა ორმაგდება, შემსყიდველის მხრიდან ასევე შესაძლებელია განხორციელდეს ხელშეკრულების ცალმხრივად შეწყვეტა.

11.5. „შემსყიდველი“ უფლებამოსილია „მიმწოდებელისათვის“ პირგასამტეხლოს დარიცხვის შემთხვევაში, ანგარიშსწორებისას, „მიმწოდებელს“ გამოუქვითოს პირგასამტეხლოს ოდენობა, რაც ჩაითვლება „მიმწოდებელის“ მიერ დაკისრებული პირგასამტეხლოს გადახდად.

11.6. იმ შემთხვევაში, თუ „მიმწოდებელის“ მიერ ამ ხელშეკრულებით მოწოდებული საქონელი აღმოჩნდება უხარისხო ან/და დადგენილ ნორმაზე ნაკლები და რის გამოც „შემსყიდველს“ კვებითი მომსახურების შემსყიდველმა მხარემ დაეკისრა პირგასამტეხლო, „შემსყიდველი“ უფლებამოსილია რეგრესის წესით მოითხოვოს „მიმწოდებელისაგან“ ზიანის ანაზღაურება, დაკისრებული პირგასამტეხლოს ოდენობით ხელშეკრულების ვადის გასვლის შემდეგაც.

11.7. მიმწოდებლის მიერ ხელშეკრულების პირობების არაჯეროვნად შესრულებისათვის ან ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით, რისთვისაც შემსყიდველი უფლებამოსილია გამოიყენოს წინამდებარე ხელშეკრულების მე-10 მუხლით გათვალისწინებული საბანკო გარანტია (ასეთის არსებობის შემთხვევაში) ან/და თუ ხელშეკრულებაში არ გამოიყენება ხელშეკრულების შესრულების უზრუნველყოფის საბანკო გარანტია, პირგასამტეხლო გამოქვითოს მიმწოდებლის მიერ მიწოდებული საქონლისთვის ასანაზღაურებელი ღირებულებიდან.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ ობიექტურ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

12.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების მისადაგებაზე არსებულ გარემოებებთან, ასევე შესრულების ვადის გაგრძელების შესახებ, ეს გადაწყვეტილება უნდა გაფორმდეს წერილობითი ფორმით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

12.3. აღნიშნული ხელშეკრულებისათვის საქართველოს სამოქალაქო კოდექსის 398-ე მუხლით გათვალისწინებული გარემოებები გამორიცხავს ხელშეკრულების პირობების მისადაგებას ეროვნული ვალუტის გაუფასურებას / ვალუტის კურსის მნიშვნელოვნად ზრდას, ასეთ დროს ეროვნული ვალუტის კურსის გაუფასურებით გამოწვეული რისკი ეკისრება დაზარალებულ მხარეს, შესაბამისად აღნიშნული მიზეზით / საფუძველით ხელშეკრულების პირობების შეცვლის და ახალ გარემოებებთან მისადაგების მოთხოვნა დაუშვებელია მხარეთათვის.

13. ფორს-მაჟორი

13.1. ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.

13.2. მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.

13.3. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.

13.4. წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებულნი არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.

12.5. თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

14. ხელშეკრულების შეწყვეტა

14.1. ეს ხელშეკრულება შეიძლება ვადამდე შეწყდეს:

- ა) ორმხრივი წერილობითი შეთანხმებით ნებისმიერ დროს;
- ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.
- გ) „შემსყიდველმა“ შეწყვეტა, ან შეაჩერა თავისი საქმიანობა;
- დ) მიმდინარეობს „შემსყიდველის“ ან „მიმწოდებელის“ გადახდისუუნარობის საქმის წარმოება;
- ე) „შემსყიდველმა“ ანგარიშსწორების განხორციელების ვადას გადააცილა 30 (ოცდაათი) სამუშაო დღეზე მეტი ვადით;
- ვ) „მიმწოდებელმა“ არაერთგზის (2-ჯერ ან მეტჯერ) დაარღვია ხელშეკრულების პირობები.

14.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

- ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა და კანონის შესაბამისად უნდა შესრულდეს ხელშეკრულების შეწყვეტიდან გამომდინარე ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);
- ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

14.3. ხელშეკრულების შეწყვეტის ინიციატორი მხარე ვალდებულია 5 (ხუთი) კალენდარული დღით ადრე წერილობით აცნობოს მხარეს ხელშეკრულების შეწყვეტის თაობაზე, მოთხოვნა უნდა მოიცავდეს სრულ ინფორმაციას ხელშეკრულების შეწყვეტის გამომწვევი მიზეზების შესახებ.

14.4. ხელშეკრულება ვადამდე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ.

14.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15. სხვა პირობები

15.1. წინამდებარე ხელშეკრულება ძალაში შედის ხელმოწერის მომენტიდან.

15.2. ხელშეკრულება მოქმედებს 2019 წლის _____ ჩათვლით.

15.3. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.

15.4. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.

15.5. „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.

15.6. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

15.7. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.

15.8. ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.

15.9. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.

15.10. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

15.11. იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქაღალდზე და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონის ან ფაქსის საშუალებით.

15.12. მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე „შემსყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.

15.13. მიმწოდებელი ადასტურებს, რომ მას ჩაბარდა ხელშეკრულება მისი დანართებითურთ.

15.14. მიმწოდებელი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.

15.15. მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.

15.16. წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის გადასაცემად. ორივე ეგზემპლარი იდენტურია და გააჩნიათ თანაბარი იურიდიული ძალა.

16. მხარეები:

შემსყიდველი

შპს „სახელმწიფო კვებითი უზრუნველყოფა“-ს

ფინანსური აღრიცხვისა და სახელმწიფო
შესყიდვების დეპარტამენტის უფროსი

თეა გოგუა

მიმწოდებელი

მიმწოდებლის დასახელება

დირექტორი

სახელი გვარი